

## ՔԱՂՎԱԾՔ

Հայաստանի Հանրապետության Արմավիրի մարզի Խորոնք գյուղական համայնքի 2013 թվականի հունվարի 18-ին կայացած համայնքի ժողովի «Խորոնք գյուղական համայնքի ղեկավարի 2012 թվականի ընթացքում կատարած աշխատանքների հաշվետվության մասին» արձանագրությունից.

Համայնքի ժողովին մասնակցում էին 75 բնակիչներ և Արմավիրի մարզպետի տեղակալ Դ.Սամսոնյանը:

Արմավիրի մարզի Խորոնքի գյուղապետարանը, ղեկավարվելով Հայաստանի Հանրապետության Սահմանադրությամբ և ելնելով Հայաստանի Հանրապետության Կառավարության և Արմավիրի մարզպետարանի որոշումների պահանջներից, կատարել է ներքոհիշյալ աշխատանքները.

- **Գյուղատնտեսության բնագավառ.**

Գյուղապետարանը աջակցել է գյուղացիական տնտեսություններին գյուղատնտեսական աշխատանքներում: Խրախուսել է խաղողի, պտղի, բանջարաբուստանային կուլտուրաների մշակության զարգացմանը: 2011թվականին բանջարաբուստանային կուլտուրաների վաճառքի էժան գների պատճառով ընթացիկ տարում շուրջ 32 հա-ով ավելացել է հացահատիկի, 11 հա կարտոֆիլի ցանքատարածքները բանջարաբուստանային կուլտուրաների ցանքատարածքների հաշվին:

Գարնան գյուղտնտեսական աշխատանքները լավ կազմակերպելու նպատակով բարելավվել և հարթեցվել են դաշտամիջյան «Կաթնաղբ-յուր», «Ադաներ», «Աղվես բներ» ճանապարհները, որի համար տրամադրվել է 150000 դրամ գումար:

Հողի սեփականատերերին հատկացվել է 68 տոննա պարարտանյութ, 20 տոննա դիզելային վառելանյութ:

ԶՕԸ-ի ուժերով վերանորոգվել է Վ.Վարդանյան, Ա.Մանուկյան, Արարատյան, Պ.Սևակ փողոցների ոռոգման համակարգի խողովակները: Մեծ ուշադրություն է դարձվել ոռոգման համակարգի ջրատարների մաքրման աշխատանքներին համագործակցելով ԶՕԸ-ի աշխատակիցների հետ:

2012թ. համայնքի բնակիչների կողմից արտադրվել և հանրապետության շուկաներ, գործարաններ է արտահանվել շուրջ 12080

տոննա բանջարեղեն, 520 տոննա ձմերուկ, 840 տոննա կարտոֆիլ, 294 տոննա հացահատիկ, 94 տոննա խաղող :

2012թ. կատրվել է 8 հա աշնանացան վարունգի ցանքս և արտադրվել է 340 տոննա վարունգ:

Համայնքում կատարվել է 107 հա հացահատիկի ցանքս:

Հացահատիկի միջին բերքատվությունը 1հա-ի հաշվարկով կազմում է 2.8 տոննա:

- **Հողաշինության և հողօգտագործման բնագավառ.**

Լ-ին կիսամյակի ընթացքում համայնքային սեփականություն հանդիսացող մնացած շուրջ 3 հա հողեր՝ վարձակալության են տրվել համայնքում հողագուրկ ընտանիքներին: Կազմվել է ընթացիկ տարվա հողային հաշվեկշիռը և հանձնվել մարզպետարան:

- **Քաղաքաշինության բնագավառ.**

Աջակցություն և վերահսկողություն է իրականացվել գյուղում բնակարանաշինությանը: 2012 թվականին 2 բնակիչների տրվել է շինարարական թույլտվություն:

Կառուցվել է գերեղմանատան մյուս մասի ջրագիծը, որի համար տրամադրվել է 280000 դրամ գումար:

Մեծ ուշադրություն է դարձվում գյուղի հուշարձանի պահպանության գործին: Ներկվել են նստարանները: Կանաչապատման և ոռոգման համար անխափան ջուր ապահովելու նպատակով տեղադրվել է նոր նասոս, գնվել են ռետինե խողովակներ, որոնց համար հատկացվել է 60000 դրամ գումար:

Վերանորոգվել է մայրուղու երկարությամբ ձգվող փողոցային լուսավորությունը, որի համար ծախսվել է 80000 դրամ գումար:

- **Տրանսպորտի և ճանապարհաշինության բնագավառ.**

Գործում է միջհամայնքային տրանսպորտը՝ գրաֆիկով:

Կատարվել են 500000 դրամի՝ միջհամայնքային մայրուղու ասֆալտապատման, 500000 դրամի՝ համայնքի փողոցների և 100000 դրամ գումար՝ գերեզմանատան ճանապարհների խճապատման աշխատանքներ :

Մեծ ուշադրություն է դարձվում գերեզմանատանը հողհատկացման աշխատանքներին, այն կատարվում է՝ համաձայն Հայաստանի Հանրապետության Արմավիրի մարզպետարանի հանձնարարականի:

- **Աղբահանության բնագավառ.**

Աղբահանության աշխատանքները գյուղում կատարվում են մշտապես և անխափան, այդ աշխատանքները կատարելու համար հատկացվել է 1000000 դրամ գումար: Աղբը տեղափոխվում է շաբաթը 1 օր՝ այդ նպատակի համար նախատեսված հատուկ հողափոսի մեջ:

• **Մշակույթ և սպորտի բնագավառ.**

Կազմակերպվել է մշակույթային ու սպորտային միջոցառումներ՝ Մայրության և գեղեցկության, Հաղթանակի, Սարդարապատի օրվա կապակցությամբ: Ապրիլի 7-ի՝ «Մայրության և գեղեցկության» տոնի կապակցությամբ 170000 դրամի արժողության նվերներ են գնվել և հանձնվել գյուղապետարանի, «Կրթություն և մշակույթ» տնօրնության, Խորոնքի մանկապարտեզի աշխատակցուհիներին:

Մայիսի 9-ի՝ «Հաղթանակի օրվա» տոնի կապակցությամբ գումարներ են հատկացվել պատերազմի վետերաններին, զոհվածների այրիներին, նրանց պատվին կազմակերպվել է ճաշկերույթ, որին մասնակցել են նաև համայնքի բնակիչներ: Այդ առիթով հատկացվել է 150000 դրամ գումար:

Սարդարապատի ճակատամարտի հաղթանակի օրվա կապակցությամբ կազմակերպված միջոցառման մասնակցության համար տրամադրվել է 110000 դրամ գումար:

Գործում է ընթշամարտի խմբակը: Գյուղապետարանը հատուկ ուշադրություն է դարձնում միջնակարգ դպրոցի և մանկապարտեզի գործունեությանը՝ միաժամանակ ցուցաբերելով իր աջակցությունը բոլոր հարցերում:

Վերջին զանգի կապակցությամբ հատկացվել է 150000 դրամ գումար և այդ գումարով շրջանավարտների համար գնվել են նվերներ: Մանկապարտեզի սաների համար տարեվերջյան հանդեսի կապակցությամբ հատկացվել է 190000 դրամ գումար և գնվել են նվերներ 67 երեխաների համար:

Նոր տարվա կապակցությամբ 800000 դրամ գումար է հատկացվել և համայնքի 1-10 տարեկան 380 երեխաների համար ամանորյա նվերների տոպրակներ են հանձնվել:

• **Սոցիալական բնագավառ.**

Ընթացիկ ժամանակաշրջանում գյուղապետարանը զգալի աշխատանքներ է կատարել այդ ոլորտում: Գյուղապետարանի մշտական հոգածության և ուշադրության կենտրոնում են եղել Հայրենական մեծ պատերազմի վետերանները, Արցախյան

հերոսամարտի զինծառայողները, նպաստառուները, այրիները, թոշակառուները: Անաչառ և անկողմնակալ վերաբերմունք է ցուցաբերվել նպաստառու ընտանիքների հանդեպ, ապահովվել է սոցիալական արդարության սկզբունքը:

2012 թվականի ընթացքում 3000000 դրամ ֆինանսական օգնություն է ցուցաբերվել, արդ թվում՝ հիվանդ և սոցիալապես անապահով 71 և նորածին երեխաներ ունեցող 25 ընտանիքների:

• **Ֆինանսներ**

Յետևողական աշխատանք է տարվել հարկերի հավաքագրումների ուղղությամբ, որպեսզի կատարվեն բյուջեով նախատեսված բոլոր ուղղություններով հավաքագրումների պլանները:

2012թ.

N	Չարկի տեսակը	2012թ. պլան հազ.դրամ	1-ին կիսամյակ	%	2-րդ կիսամյակ	%	ընդամենը
1.	հողի հարկ	8065.3	729.3	8.5	7332.7	91.5	100%
2.	գույքահարկ	3138.5	489.7	15.6	2167.8	69.1	84.7
3.	շենքի վարձակալ. վարձ	150.0	-----	-----	-----	-----	-----
4.	վարձակալ. հողի վարձ	600.0	64.9	10.8	962.6	160.5	171.3
5.	տեղական տուրքեր	280.0	-----	-----	83.7	83.7	83.7

2012թ.

N	Ծախսեր	2012թ. պլան հազ. դրամ	1-ին կիսամյակ	2-րդ կիսամյակ	%
1.	ճանապարհների շինարարություն	3000.0	1000.0	850.0	61.7
2.	աղբահանում	1000.0	499.8	499.8	100
3.	ջրամատակարարում	1000.0	-----	280.0	28
4.	սոց. օգնություն	3000.0	1390.0	1610.0	100
5.	երիտասարդական միջոցառումներ	600.0	170.0	-----	28.3

2012թվականի դեկտեմբերի 31-ի դրությամբ խորոնք գյուղական համայնքը հավաքագրումների տարեկան պլանը կատարել է 105% - ով:

• Առաջնային պրոբլեմներ

Խմելու ջրի մատակարարումը, միջնակարգ դպրոցի սպորտդահլիճի կառուցումը, մանկապարտեզի, երաժշտական դպրոցի վերանորոգումը և մշակույթի տան տանիքի վերանորոգումը:

Ժողովի նախագահ՝  
Քարտուղար՝



/ Ս.Նահապետյան/  
/ Ս.Կարապետյան/